



Il president
de ARLEF
Lorenzo Zanon
Intun dissen
di Gianni Di Lena

L'editoriâl

V uè, cu la nomine dal gnûf Consê di Amministrazion e dal gnûf President, e cu la prossime rinovazion di chei altris orghins statutârs (Comitât Tecnîc Scientific e Coleç dai Revisôrs dai Conts), la ARLEF si invie a inaugurar un gnûf cicli che al previôt un impegn futur di ben 5 agns.

Une prospettive impuartante che e compuartarà decisions programatichis fundamentâls, di lungje durade e di grande responsabilitât. In linie cun ce che al è za stat realizât tai agns passâts, si varà duncje di continuâ a lavorâ sul corpus de lenghe, lant indenant cu la elaborazion e la metode in vore di une politiche linguistiche che e à di rivâ a une dotazion lessicâl normalizade in stât di rispûndi a ogni situazion comunicative.

Par ce che al rivuarde po il status de lenghe, l'impegn al varà di sei indreçât a fâle sinti tant che un valor zontât, sei dentri che fur de comunitât linguistiche, cuntune azion costante di promoizion direte, cun sei progjets, ma ancje in sinergie cui sogjets publics e privâts dal teritori di riferiment.

La Agenzie e varà di impegnâsi a svilupâ il confront cu lis molteplici realtâts, publichis e privadis, che a lavorin a pro de lenghe furlane in maniere che la impostazion e sedi sodisfâsint par ducj e e permeti la aplicazion de leç a un livel condividût.

Po dopo, in chest moment storic particolâr, o volarès marcâ la impuartance di une azion che e slargji il cjapâ cussence, di bande dai furlans, dal significât e dal valor vèr de politiche linguistiche regional tai confronts de lenghe furlane. Cualchi dubi e cjeris perplessitâts che si sintin ator e che si lein su la stampe locâl a an di sei distrigadis e superadis cuntune opare di persuasion cultural convinte e professionalmenti serie.

Dal sigûr i problemis no mancjin. Un pian seri di politiche linguistiche, dongje de individuazion dai obietifs e des strategjîs, al à ancje bisugne de garanzie di podê contâ su di un *budget* di spese adeguât.

Chest aspjet ulhin al risulde condizionant, propi tal merit des sietis pussibilis rivuart ai obietifs e aes azions individuadis.

Imnò e reste in pits, tant che une spade di Damocle, la impugnazion dal Gvier centrâl de Leç Regional n. 29, vicende che e condiziona no pôc une buine e impuartante part dal lavôr.

Un complit une vore significatîf e strategic, te suaze de politiche linguistiche dal furian, di competence de ARLEF e ripuartât a clâr tal so stardt, al è chel di «favori la colaborazion plui largje jenfri i organisims publics e privâts che a lavorin pe cognossince, pe difusion e pal ûs de lenghe furlane tant che une sede permanente di coordinament gjenerâl e di verifiche des lîmis di indreçament e des iniziativis realizadis di ents e istituzions».

Te sò ativitât e te sò programazion, la ARLEF e varà simpri di plui di rapuartâsi cu lis esperiencis produsudis di chês altris comunitâts europeanis dulà che si fevelin lenghis minoritariis e in chê direzion promovî colaborazions concretis cu lis istituzions e lis associazions che a lavorin in chest setôr.

Dut chest ancje cul fin di dâi ae opinion publiche regional, e soredu ai zovins, une moderne e plui juste imajin de cusion furlane, cussì di risultâ stimolant e interessant no dome dal pont di viste esclusivementri linguistic e culturâl, ma ancje dal pont di viste socio-relazionâl e parfin economic-ocupazionâl.

Pai prossims agns, duncje, il complit de ARLEF al sarâ chel di ponisi tant che principâl pont di riferiment istituzionâl par cui che, public o privât, al à chê di lavorâ cu la finalitât di dâi gnûf valor e vigôr ae nestre lenghe furlane, acetant di bon grât lis sfidis dal doman.